

На Утрени

На Бог Господь, тропарь, глас 1:

Спаси Гóсподи лю́ди Твоя́,/ и благослови досто́яние Твое́,/ победы православным христианом на сопротивныя дáруя, // и Твое сохраняя Кресто́м Твоим жительство. **[Трижды.]**

Таже полиелей. Величание поется в олтаре пред престолом.

Величание:

Величаем Тя,/ Живодавче Христе,/ и чтим Крест Тво́й святы́й,/ имже нас спáсл еси // от рабо́ты вражия.

Псалом избанный:

Суди́ Гóсподи обидящия мя, побори́ борю́щия мя. Приими́ ору́жие и щит, и востáни в по́мощь мою́. Зна́менася на нас свет лица Твоего Гóсподи. Яко ору́жием благово́ления венча́л еси нас. Дал еси зна́мение бо́ящимся Тебе, еже убежа́ти от лица́ лука. Позна́ти на земли пу́ть Твой, во всех языцех спасéние Твое́. Видеша вси концы земли спасéние Бога на́шего. Поклонимся на мéсто, иде́же сто́ясте но́зе Его. Тогда возрадуются вся древа дубравная. Бог же Царь наш прежде века, содела спасение посреде земли. Вознесите Господа Бога нашего, и покланяйтесь подножию ногу Его, яко свято есть. Благослови ны Боже, Боже наш, благослови ны Боже. Спаси люди Твоя, и благослови досто́яние Твое. И упаси я, и возми я до века.

Слава, и ныне: Аллилуиа, трижды.

Степенна, 1-й антифон 4-го гласа:

Диакон глаголет на Горнем месте, держа обема руками Евангелие по обычаю:

Прокимен, глас 4. Видеша вси концы земли/ спасение Бога на́шего.

Стих: Воспойте Господеву песнь нову, яко дивна сотвори Господь.

Таже, Всякое дыхание: Евангелие читается в олтаре.

Евангелие от Иоанна, зачало 42 от полу. [Ин. 12, 28 – 36.]

Таже: Воскресение Христово видевшие:

Псалом 50.

Слава: Молитвами апостолов: И ныне: Молитвами Богородицы:

Помилуй мя Боже:

И стихира, глас 6:

Кресте Христов, христиан уповáние, / заблуждших наставниче, обуреваемых пристанище, / в бранех победа, вселенная утверждение, / недужных врачу, мертвых воскресение, // помилуй нас.

Канон Креста. Творение кир Космы. [Егоже краестрочие: Кресту надевша пение отрываю.] Ирмосы по дважды: тропари же на 12, глас 8.